

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Epistolarvm [epistolarum] D. Philippi Melanchthonis Farrago

Melanchthon, Philipp

Basileae, 1565

VD16 -M3220

Eruditione & uirtute praestanti uiro, M. Andreae Kegel, gubernanti studia
literarum in oppido Eisleben, amico nostro: Rector, magistri & doctores
Academiae Vitenbergensis S.

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

Eruditione & uirtute præstanti uiro, M.
 Andreae Kegel, gubernanti studia litera-
 rum in oppido Eisleben, amico nostro:
 Rector, Magistri & doctores Aca-
 demiae Vitenbergen-
 sis S.

Valde dileximus uirum clarissimum Casparum
 Crucigerum, doctorem Theologiae, socerum tuum,
 collegam nostrum, propter ingenij, eruditionis et
 uirtutis præstantiam: ac dolemus, & nos & Eccle-
 siam uoce ipsius eruditissima & consilij orbatam
 esse. Quanquam igitur Academia nostra tecum lu-
 get eius mortem: tamen hac consolatione leniamus
 mœstitiam, quod non dubium est eum in Acade-
 miam multo pulchriorem & tranquilliorẽ ab-
 ductum esse, uidelicet ad consuetudinem Dei, & fe-
 lij eius Domini nostri Iesu Christi, in coetum An-
 gelorum, Patrum, Prophetarum & Apostolorum:
 cum quibus iam dulcissimè de ea doctrina, cuius
 hic elementa didicit, colloquitur. Memoriam igitur
 ipsius grati conseruemus, & beneuolentiam
 erga eum liberis ipsius præstemus: quod te qui-
 dem præcipuè facere decet: cui cum famulam uir-
 tute & forma præstantem, quam ualde diligebat,
 desponderit, ostendit se de te quoque amanter senti-
 re. Cum autem diuisio hereditatis iuxta testamen-
 tum, quod socer iudicauit æquum esse, facta sit,

✠

& tua coniunx suam partem ex hereditate ad te
 adferat: te uicissim hortamur, ut (quod iustissimum
 est) uicissim & donationem propter nuptias con-
 stituas: & in hac re honestissima cum iusticiam
 coniugi debitam, tum uerò pietatem erga socerū
 declares, quem te quidem propter adfinitatem pa-
 tris loco uenerari & amare existimamus. Nos ue-
 ro excellens ingenū eius, eruditionem, iudicij dex-
 teritatem, grauitatem & pietatem tanti facimus,
 uix ut desiderium eius lenire in nobis possimus. Be-
 ne uale, die conuersionis Pauli, 1549.

Adolescentis cuiusdam.

Sæpe decreui ad te aliquid literarum dare, a-
 mice charissime, & specimen tibi studiorum meo-
 rum exhibere. Ideo gaudeo mihi nunc commodis-
 simum argumentum oblatum esse. Nam cum pro-
 uocaris me ad scribendum, nullo munere: non so-
 lum ingratus, sed etiam impius essem, si tibi nul-
 lam gratitudinis significationem uicissim ostende-
 rem. Adhæc pater in proximis literis iussit, ut ti-
 bi gratias agerem. uult enim nos non solum lite-
 ras, sed etiam communia hæc officia diligenter
 colere. Gratissimum igitur nobis tuum benefi-
 cium est: & quia nobis necessarium est, & quia
 declarat, te de studijs nostris bonam spem ha-
 bere. Gaudemus etiam, tua liberalitate sumptus
 nostros

ac

Itaque

procuramus nos

agere enim
solum literas